


十



皇朝類苑卷第二十五

官職儀制

唐以中官為樞密使與中尉謂之內貴梁為崇政殿院使後唐舊有帶相印者分東西二院晉廢國初復置中書為二府亦曰二院但行東院印耳其後除授不常以檢校官不帶餘使正官自趙普始帶節鉞自曹彬始簽書院事自石熙載始以文資官充使亦自熙載始知院自張士遜始以文臣知院兼使相自王欽始簽書兼藩鎮自曹瑋始今官制復古而樞密之職舊典三省長官同通謂之執政官矣

三司使

唐末始分鹽鐵度支戶部專領財賦後唐明宗始號一司總以一使國朝或曰判三司或曰權判或曰點檢三司開寶中以叅知政事二人提點三司既而更用宰相為都提舉兵國中分二司同判三司逾年復折為三使淳化中又合為三司既而又以天下為十道二京為左右計置二計使分判十道荆命三司提討使判左右討事旋置三使如故咸平末三司各置副使其官輕則曰發遣迄元豐初不廢今悉歸尚書省矣

司理叅軍

三代以來諸州馬步軍院都虞候以牙校為之大祖慮其任私高下其手乃置司寇叅軍以進士九經及第一人充河東柳開先生初及第為宋州司寇叅軍後又改曰司理叅軍至今俚俗猶以司理院為馬步院選朝官知縣

建隆中擇才能之士出宰大邑大理正奚嶼知大名府館陶縣監察御史王祐知魏縣選朝官知縣自嶼等始太祖重縣令之任至矣

叅知政事

國初趙普為朝相欲用薛居正呂餘慶同政而不欲令與普齊難其名號詔問陶穀曰唐有參知政事知機務下宰相一等故以命居正等參知政事然不押班不知印按唐裝寂以僕射參知政事耶待舉以資政任淺於中書門下同受承進止平章事然則平章於參政穀乃以為參政下宰相一等失之遠矣其後因時不改造官制更革始嚴

進奏院

國初州郡各自置印吏散在都下外州將吏不樂久居京師又移府行下率多稽滯或漏泄密事太平興

國中起居郎何保枢以為非便奏置鈐轄諸道都進奏院以革其弊人給同朱記一鈇院印石熙載舊第也起居王沂公外祖而余妻之曾祖父也

發運使

至道初朝廷始遣路陽苑使楊允恭作房副使李延遂太子中書舍人王子興為江淮兩浙發運使并置制茶鹽就江南劍為局後兼領荆湖南潞旋又加都大字後兼領荆湖南潞旋又加都復置迄今權猶存

提點刑獄

景德中真宗御筆六事以示近輔三日提點刑獄可於朝臣及武臣使副中選清幹者使提點一路刑獄按舉官吏賢否後又加權使迄今不廢而武臣廢置不當

糾察在京刑獄

祥符二年朝廷以京師獄訟之繁惧有寬滯始置糾察在京刑獄司以省寬濫命知制誥周起侍御史趙緡為之凡在京師刑獄御史開封府皆得察之起慮屈抑者不能盡知許合糾察陳狀從之但万鞠獄耳

宣徽使

宣徽使位在權豪使之下副使之上咸平初周營為宣徽使有所避乞居其下亦從之遂以為例

已上見澠水燕談

中書五房

中書有制勅院院內有五房第一曰孔目房次吏房戶房刑房禮房舊每房堂後主人心主生事第二人主熟事第三人發勅向下逐房有主事字當官名目行遣文書至道中逐房只置堂後堂一人却置主事錄事各一人仍別置提點五房一員迄今行之

察院一司四房

察院 管一司四房一司四院雜司第一房曰兵房

次吏房戶房禮房逐房有副承旨一人次有主事令史書令史貼房之人並行造公事有都承旨副承旨諸為副承旨諸侶並都營一院之事所置名用不定

三司子司

三司子司三部各有計院都磨勘司吏收司拘收司開拆司憑由司理欠司三計院各一人判之若磨勘友收一人判之開拆衙司一人判之憑由理欠一人判之

刑部主判詳覆法直官

刑部主判官或一員兩員不定詳覆官六員主詳覆

天下斷訖大辟奏案法直官一員以流內人任之年滿得京官

審刑院

審刑本中書刑房宰臣所領之職淳化年中拆出置審刑院每大奏案須經審刑詳覆判院官同詳議官一人進呈得旨後批送中書降勅始以樞密直學士李昌齡知院事置詳議官六員以京朝官充並賜緋

御史臺

御史自大夫至主簿並存六典舊武令只置中丞雜端各一員共判臺事外有推直官或以他官充左右

巡使各一以御史充主簿一員典推直同營刑獄公
事舊更有推勘官主外勘公事今並存

大理寺官

大理判官寺或一員兩員不定少卿一員以他官權
詳斷官十二員法直官一員以流內人任之年滿得
京官

三班院

國初承舊制有東頭供奉官左右班殿直殿前承旨
凡三班隸宣徽院第其任使雍熙四年始別置三班
院以崇儀副使蔚進掌之較其勞績授以內外之任

其名籍仍隸宣徽後又增置左右班侍郎改殿前承
旨為三班奉職舊有借職承者改為三班借職復有
殿侍或隸馬自供奉官至殿侍凡六等此亦此自之
三署即漢百官表屬先祿勳有儀郎中郎侍郎中
之類無員數所謂捨領從官預聞朝政事者也

驥驥院

在京有驥驥院舊名天廐坊左右天駟各二監此外
又有毛駝崗退馬駱駝坊養駝致遠務養牛驢

中貴帶將仕郎

祥符以前中貴人盡帶將仕郎階暑水尉秦漢昔左

璫之名將累立戰功始以將仕郎內侍省內府丞局
不令則不建章國軍即度並是湘山野錄

禮部郎官

予治平初同判尚書禮部本部掌諸處納剝廢印極
多率皆無用按唐舊說禮部郎中掌省中文翰謂之
南官舍人百日内須知制誥敵王元之與宋給事詩
壬頊知百日掌絲綸又謂員外為瑞錦巢員外郎廳
前有大石諸州府送列廢印皆於石上碎之人面寫
祥瑞亦員外廳所掌令狐楚无和初任禮部員外郎
有詩曰移石幾田敲廢印開箱何處送新面是也今

之廢印宜準故事碎之

春明退朝錄

南郊置五使

每南郊大禮循唐制命五使宰相為大理使學士
為禮儀伏使知開封府為橋道頓遞使而禮儀使本
太掌卿事主事圖鹵簿使是其職也儀仗使排列之
而鹵簿使督攝之其職頗相連通

資政殿學士大學士

景德中上欲優寵王欽若乃特置資政殿學士以處
之既而有司定議班在翰林學士下尋又置資政殿
大學士亦以欽若為之而班在翰林承旨之上則資

政殿學士與大學士皆自王欽若始也

端明殿學士

後唐明宗不知書每四方章奏止令樞密使安重誨讀之而重誨亦不曉文義宰相孔循詩置端明殿學士二員班在翰林學士上以馮道趙鳳為之則端明殿學士自馮道趙鳳始也國初亦嘗置此職而班翰林學士之下尋改為大明殿學士以待郎程羽之序立乃在樞密副使下遼明道初復改承明殿為端明再置端明殿學士自宋綬始也

又

端明殿學士五代後唐時置國朝尤以為貴多以翰林學士兼之其不以翰院兼職及換職者百年間總兩人特拜程戡王素是也

御史言事不自長官

御史臺故事三院御史言事必先白中丞自劉子儀為中丞始榜臺中後御史所言不須先白中丞端至今如此

龍圖閣官

本朝太宗御書及典籍圖書室瑞之物並載於龍圖閣而閣有學士直學士待制直閣故景德初杜鎬

咸綸為龍圖閣待制不數年鎬遷龍圖閣直學士班
在樞密直學士下至祥符中鎬又遷龍圖閣學士而
班在樞密直學士上則本朝龍圖閣待制龍圖閣直
學士龍圖閣學士皆自杜鎬始也又祥符末年以業
文院檢討馮元為太子中允其龍圖閣則本朝
直龍圖閣自馮元始也

天章閣官

本朝直宗御集御書並藏於天章閣天聖末始置待
制以范諷為之景祐中又置待讀以賈昌朝趙希言
王宗道為之則本朝天章閣待制天章閣侍講自范

諷賈昌朝始也

並青箱雜記

三館

唐兩京皆有三館而各為之所以遂館命脩撰文字
而本朝三館合為並在崇文院中景祐中命脩總目
則在崇文院餘各置局他所蓋避衆人所見太宗
實錄在諸王賜食廳真宗元符觀祥符中脩
冊府元龜王文穆為樞密使領其事乃就宣徽南院
使廳以便其事自後遂脩國史會要名曰編脩院及
脩仁宗實錄而英宗實錄同時並脩遂在慶寧
宮史館領曆日局置脩撰二員宰相為監脩自置編

脩院以脩撰一人主之而日曆等書皆歸編修院

三衛官

舊制待御親軍與殿前分為兩司自侍衛自不置馬步軍都指揮使止置馬步軍指揮使以來侍衛一司自分為二故與殿前司列為三衛也五代軍制也無典法而今又非其舊制者多矣

同三品司二品

唐時始有同中書門下三品時中書令侍中皆正三品大曆中并升為二品昔天福五年升中書門下平章事為正二品國初樞密使吳延祚以父諱璋加同

中書門下二品用外品也

觀文殿

丁文簡公度罷叅知政事為紫宸殿學士即文明殿學士也文明本有大學士為宰相兼職之又有學士為諸學士之首從以文明者真宗謚號也遂更曰紫宸近世學士皆以殿名為官稱如端明殿資政是也丁既受命遂稱曰丁紫宸議者又謂紫宸之號非人臣之所宜稱遽更曰觀文觀文是隋煬帝殿名理宜避之蓋當時不知然朝廷之事不可以不學也

知州判州

節度州為三品刺史州為五品唐內臣為中尉唯屬
大都督國初曹翰觀察司判穎州是以四品臨五品
州也品同為知隔品為判自後唯輔臣宣徽使太子
太保僕射為判餘並為知州

通判

國朝自下潮南如置諸州通判既非副貳又非屬官
故常與知州爭權每云我是監郡朝廷使我來監汝
舉動為其所制太祖聞而患之下詔書戒勵使與
長史同押文書非與長史同簽書者在所不得承受
施行自此至今州郡往往與通判不和往往時有錢昆

少卿者家世餘杭人也杭人嗜蟹昆嘗在補外郡人

其所欲何州昆曰但得有螃蟹無通判處則可矣至

今士人以為口實

並序陵居
士婦田錄

東西頭供奉官

東西頭供奉官本唐從官之名自永徽以後人主多
居大明宮別置從官謂之東頭供奉官兩內具員不
廢則謂之西頭供奉官

蛾眉班

唐置兩者供奉官東西對立謂之蛾眉班國初供奉
班於百官前列王溥罷相為東宮一品班在供奉班

之復遂令供奉班依舊分立慶曆中賈安公為中丞以東西班對拜為非禮復令橫行至今初叙班分立百官班定乃轉班橫行奉罷復分立百官班退乃出
參用舊制也 筆談

賜袂公服

文武陞朝官遇郊廟展禮諸大朝會並朝服起居並公服今百執事由常趣而上每歲誕節端午初冬各賜時服有差內公服舊制雖冬賜亦制單製至太祖皇帝在位訝其方冬而單衣誥諸有司對以遵用古法蓋前代之闕典 上於是特命改制衣今公卿大

夫之有袂公服自此始也

賜状元金吾衛士

蔡文忠公自為布衣時固已恢廓有大志而姿表秀異見者聳動祥符中擢進士為天下第一 真宗臨軒見其堂、英偉進退有法大悅之顧寇萊公曰得人矣特詔給金吾衛士七人清道以為榮尋詔自今第一及第金吾給七人當直許出兩對引唱 上聞公單貧傭僦僕隸故有此詔

持詔佩魚

陳堯咨以龍眉閣學士換觀察使自陳臣本儒生少

習俎豆今荷 聖恩易以武弁 願佩金魚以示優異
特詔從之 並見澠水燕談

兄弟封贈

天聖中詔每遇恩霽朝臣中元弟俱該封贈者許列
狀陳乞特此常制例優加封叙從王子融請也

賜衣服

國朝之制文武官諸單校在京者端午十月且誕聖
節皆賜衣服其在外者賜中冬衣袂遣使將之旧制
在內者中書樞密察院節度使至刺史諸軍列校以上學
士金吾附馬冬給袍有差而學士給黃獅子錦品極

淳化中改給服血鵬法錦之落暈錦之 凡袍錦之

品四曰天下樂暈錦以給樞宰親王皇族觀察使以
上侍衛步軍都虞侯以上節度使盤鵬法錦以給學
士中丞三司使觀察使廂以上軍頭團練使以上皇
族將軍以上駙馬都尉舊宰相翠毛鋼錦以給防團
刺史軍主軍頭領 刺史者黃 子以給三司副使
知開封府審刑登聞鼓直學士旋欄錦之品十日
天下 節度觀察使領部署者次暈錦以賜
尚書以上 學士管軍者盤鵬以賜觀察使丞郎
翠毛以賜閣門使以上防團刺鼓禁軍者倒仙 丹

以賜刺史以上方勝宜男賜諸刁使領郡以上盤毬雲鴈賜諸司使方勝練鵠賜河北河東陝西轉運使副餘軍校復有黃子宝照之品焉

賜帶

腰帶凡金玉犀銀之品自樞宰節度使賜二十五兩金帶舊用荔枝帶松花倒三品端拱中詔作瑞草地球文路方圓勝帶副以金魚賜中書密院其武臣有宣徽樞密使者仍旧制李士三司使中丞觀察使管軍四廂主而下賜二十兩金帶知制詔賜犀帶塗金魚亦嘗賜金飾牯犀副以金魚非常例凡面賜紫

紫者給犀帶

塗銀宝瓶帶其賜伎術官雖紫綠

皆給金銀帶出使賜金束帶兩數如其秩刺史而上受邊計者辭日亦賜二十兩金束帶其赴任者出賜塗金銀帶諸司使至崇班出為邊城鈴轄者亦賜金束帶十五兩二十兩凡二等唯駙馬都尉初選尚賜白玉帶自親王皇族皆許通服工夫金帶雕玉白玉通犀牯犀等帶

賜鞍轡

鞍轡除乘輿服黃金白玉雕玉玳瑁玳等鞍垂去鞘轡有三領諸王或賜金鞍者得乘之宰相使相賜

宝百花鞞八十两鬃装银裹銜鐙叅政副樞宣徽節
度使駙馬綉盤鳳雜花鞞七十两陷金銜鐙學士中
承三司使觀察使麻皮錦鞞五十两撒皇素銜鐙復
有三十两决束鞍以賜東宮官屬

重戴

重戴者大裁帽也本野夫岩叟之服以皂為之後魏
孝文帝自雲中徙代以賜百僚五代以來唯史御服
之淳化初宰相學士御史臺北省官尚書省五品以
上皆令服之

憲術

唐德宗幸奉天還京應諸州郡
有郡王者迄今用之

假憲術後至

勅書樓

太祖朝令天下置勅書樓

並見楊文
公談苑

賜飲宰相家

真宗朝歲時賜飲於宰相第 兩省待制以上赴林
尚書以諫議大夫為三司副使亦預既而并諸副使
遂以為常王太尉主會惟用太官之膳少加堂飧自
下晉公助以家饌今皆踵之

賜金帶

國朝翰林文士得服金帶朱衣吏一人前兩府則朱衣吏兩人金笏頭帶佩金魚謂之重金居兩制久者則曰眼前何日赤腰下甚時黃處內廷久者又曰眼赤何時兩腰黃甚日重

真宗幸呂文穆宅

文穆有大第在洛中真宗祠汾時嘗駕幸止其廳後人不敢復坐聞以欄楯設御榻為都今張文孝公宅是也並見倦遊雜錄

皇朝類苑卷第二十五

皇朝類苑卷第二十六

官職儀制

賜毬露金帶

毬露金帶俗謂之笏頭帶非二府文臣不得賜武臣而得賜者惟張耆為樞密使李用和以元舊王貽永為駙馬都尉李昭亮亦以戚里四人者皆兼侍中出於特恩東軒記事

職田

天聖七年晏元獻公奏朝廷置職田蓋欲稍資俸給其官吏不務至公以差遣徇私僥倖者極衆屢致訟

言上煩聽覽欲乞陳罷時可其奏但令佃戶逐年收課利類聚天下都數 價均散見任官員至九年二月忽降勅國家均數職土以為請白向因僥倖遂行停罷風聞縉紳之間 庶守道者甚衆若節難守宜布明思悉仍舊貫審官三班流內銓今後將有無職田處均濟公平定奪差遣不得徇私見湘山野錄

賜常參官各衣

建隆二年十月賜近臣冬衣有司言累代故事止賜將相學士諸軍大枝 太祖曰不賜官甚無謂也宜亦賜之自是文武常參官悉賜春衣自此始玉壺清話

宰樞聚廳見客

王元之嘗謂宰相於政事堂樞密於都堂同時見客不許本廳私接議者以為是疑大臣以私也遂寢或以元之所請為當但難其率宰相於政事堂共見耳其後二府乞以朝退時聚廳見客以杜請謁從之率如元之言澠水燕談

又

天禧中宰臣奏中書樞密擬見賓客然兩府慎密之地亦欲咨訪天下之良苦早暮接待復滯留機務又分廳言事各有異同欲今後中書樞密院每有在外

得替到闕又在京生執臣寮如有公事並逐日於已時以前聚廳見客已分廳即俟次日急速者不在此限非公事不得到中書樞密院

王壺清話

學士預曲宴承旨預肆赦

故事便殿宴勞將帥翰林學士預坐開寶中閣門使梁迥輕鄙儒士啓太祖以曲宴將相安用此書生輩遂罷之淳化中蘇易簡之政事始引故事為請詔自今後當直學士與文樞密直學士並預長春殿曲宴又引元積承旨廳記御樓肆赦唯承旨得升丹鳳樓之西南隅

楊文公談苑

前兩府白事宰相掇安亦

熙寧中魯公曼解去服除判司農事舊例百官以事至中書即宰相裾案百官北向而坐前兩府白事即宰相案去叙賓主東西行坐時謂之掇案及孝寬之至司農也吳正憲公當國不以前兩府之禮待之每至中書不為掇案自後每有建白止令同判寺太常博士周直孺詣中書孝寬不至矣正憲頗疑之未幾除直孺為兩浙提刑以張璪判寺璪為翰林學士班在端明之上乃本寺官長也異時白事皆璪詣中書而

孝寬亦竟不至於是正憲知其果以掇案為顯嫌而出亦譏其隘矣

兩制下獄

仁宗朝兩制近臣得罪雖有賍污亦止降為散官無下獄者旋亦收叙熙寧初龍圖閣學士祖無釋始以臺官下秀州獄是也時鄭公知杭州上章救解言甚切直爾後許將沈季長劉奉世舒亶相繼下臺獄而天下習熟見聞莫有救解之者已上見東軒筆錄

前任班超辨

唐朝落有定闕則補之後唐長興二年詔諸州得替

節度防禦團練刺史並令隨常朝官逐日立班二年放免常朝令五日起起居國初尚多前資官今閣門儀制尚有見任前任防禦團練使倦遊雜錄

節度使罷降麻不降麻

真宗時丁晉公謂自平江節度使除兵部尚書參知政事節度使當降麻而朝儀惜之遂止以制除近有陳相執中罷使相除僕射乃降麻龐籍罷節度使觀大殿學士又不降麻蓋無定制也

樞密使除罷降麻不降麻

嘉祐二年樞密使田公況罷為尚書太丞觀文殿學

士兼翰林院侍讀學士罷樞密使當降麻而止以制
除蓋徃時高若納罷樞密使所除官職正與田公同
亦不降麻遂以為故事

又

漢乾興中除樞密使始降麻如將相之制本朝循之
石元懿罷為僕射亦降麻高文在田宣簡呂寶臣罷
止舍人院出誥

三衙官不敢謁合人逢之則立馬

寶元康定之間余自貶所還過京見王京貶初作舍
人自契丹使歸余在坐見都知押班殿前馬步軍聯

庫西廊八經史于集四部為史館書庫凡六庫書籍
正副本僅八萬卷斯為盛也昭文館本前世弘文館
建隆中以其犯宣祖廟諱改焉淳化初以呂祐之趙
昂安德裕勾中正並直昭文館則本朝直昭文館自
呂祐之等始也 集賢有直院有校理端拱初以李
宗諤為集賢校理淳化初以和嶠為直集賢院則本
朝直集賢校理自和嶠李宗諤始也 史館有直館
有脩撰者有編脩有校勘有檢討太平興國中趙隣
幾呂蒙正為皆直史館掌修撰而揚文舉為史館編
脩是時脩撰未列於職至 道中始以李若拙為史

館脩撰 熙中以宋炎為史館校勘淳化中以郭延澤董元亨為史館檢討則本朝直史館編脩史館脩撰史館檢討史館校勘自趙隣幾呂蒙正李若拙楊文舉宋炎郭延澤董元亨等始也

本朝三館之外復有秘閣圖書置直閣又置校理咸平初以杜鎬為秘閣校理皆自杜鎬始也三館謂同上宣祖諱文館史館集賢院建隆元年二月避諱字詔易名昭文館端拱元年五月詔直秘閣於崇文院之中堂

學士賜帶不佩魚

騎立門外呈牒子稱不敢求見舍人遣人謝之而去至慶曆三年余作舍人此禮已廢然三衛管軍臣僚於道路相逢望見舍人呵引者即斂馬駐立前呵者傳聲太尉立馬急遣人謝之比舍人馬過然後敢行後官子外十年而還遂入翰林為學士見三衛呵引甚雄不復如當時與學士相逢分道而過更無斂避之禮蓋兩制漸輕而三衛漸重

有偶出一時而為故事者

朝廷之制有因偶出一時而遂為故事者契丹人使見辭賜宴雜學士員雖多皆赴坐維翰林學士祗召

當直一員餘皆不赴諸王宮教授入謝祖宗時偶因便殿不御袍帶見之至今教授入謝必俟上入內解袍帶復出見之有司皆以為定制也

一班喫飯香群牧喫糞

三班院所領使臣八千餘人泣事於外其罷而在院於者常數百人每歲軋元節醮錢飯僧進香合以祝聖壽謂之香錢判院官常利其餘以為倉錢群牧司領內外坊監使判官比他司俸入最優又歲牧糞擊錢頗多以充公用故京師為之語曰三班喫香群牧喫糞是也

官稱訛謬

官制廢久矣今其名稱訛謬者多維士大夫皆從俗不以為怪皇女為公主其夫必拜駙馬都尉故謂之駙馬宗室女封郡主者謂言其夫為郡馬縣主者為縣馬不知何義唐制三衛者有司皆司戈執于執戟謂之四色官今三衛廢無官惟金吾有一人每日為正衙放朝唱不坐直謂之四色官尤可笑也

樞密使侍宴賜衣循唐舊

國朝之制大宴樞密使副不坐侍立殿上既而退就御厨賜食與閣門引進四方館便列坐廡下親王一

人伴食每春秋賜衣門謝則與內諸司使副班于垂拱殿外廷中而中書則別班謝于門上故朝中為之語曰厨中賜食階下謝衣蓋樞密使唐制以內臣為之故常與內諸司使副為伍自後唐莊宗用郭崇韜與宰相分秉之政文章出中書武事出樞密自此之後其權漸盛至今朝遂號為兩府事權進用祿賜禮遇與宰相均惟田超內朝侍宴賜衣等事尚循唐舊之制其任隆輔弼之宗而雜用內諸司故事使朝廷制度輕重失序蓋沿革異時因循不能釐正也

田出歸錄

禮遇講讀官

崇政殿之西有延義閣南向近陽門之北有通英閣東向皆講讀之所也仁宗皇帝新即位多御延義每初講讀終篇則宣二府大臣同聽賜飛白書或遂賜宴其後不復御延義專御通英春以二月中終至端午罷秋以八月中至冬至罷講讀官移門上賜食俟後殿公事退繫以入宣坐賜茶就南壁下以賜坐復以次起講讀又宣坐賜湯其禮數恩渥雜執政大臣亦莫得與也

無譏

堂劄子

唐中書指揮謂之堂帖子曾見唐人堂帖宰相簽押

如今之堂劄子也

宣頭

予為史館檢討時樞密院劄子間宣頭所起予按唐故事
中書舍人職掌誥詔皆寫四本一本為底一本為宣此宣謂行出耳未以名書也晚唐樞密使自禁
中受旨出付中書郎謂之宣中書丞受錄之于籍謂之宣底
今史館中尚有梁宣底三卷如今之聖語簿也梁朝初置崇政院專行密命至後唐莊宗復樞密使郭崇韜安重誨為之始分領政事不關由中書直行下者謂之宣如中書之敕小事則廢發頭子擬唐

帖也至今樞密院亦用劄子 中劄子宰相押字在

上次相及叅政以次向下樞密院子樞長押字在下

副二以次向上以次為別頭子繼給驛馬之類用也

並湘山野錄

宣勅

樞密院問龍宣故事具與故申院按今有梁朝宣底二卷朱梁正明三年四年每事下有月日云臣李振宣或除官差官或宣事於方鎮等處其間有云宣德宣命旨者梁朝以樞密為崇政院始置使以大臣領任以政事正明年是李樞密使當是以宣傳上旨故

名之曰宣而樞密院所出文字之名也以欲為中書
勅並行雖所明見疑降宣始自朱梁之時晉天福五
年改樞密院承旨為宣亦似相合其底乃底本也繫
日月姓名者乃所以為底聞今仍舊名寧熙七年六
月十三日或聞今之勅起何時按蔡邕獨斷曰天子
下書有四一曰策目二曰制書三曰詔書四曰戒勅
勅自隋唐以來除改百官必有詔勅而從勅字予
家有景龍二年勅其勅制蓋湏由中書門下故劉偉
之云不經鳳閣寫臺何謂之勅唐時政事堂在門下
省而除改百官必中書侍郎宣奉舍人行進入書勅

字此所以為勅也然後政事堂出牒布於外所云牒
奉勅云也慶曆中予與蘇子美同在館常携其遠
祖昫唐時勅數本來觀與予家者一同字不載勅字
而近世所用也春明退朝錄

百官拜宰相

百官於中書見宰相九卿而下即省吏高聲唱一聲
屈則趨而入宰相揖及進茶皆抗聲贊喝謂之屈揖
待制以上見則言請其官吏不屈揖臨退仍進湯皆
於席面南橫談百官之位升朝坐京官以下皆立後
殿引臣僚則待制以上宣名拜舞度官但贊拜不宣

名不舞蹈中書畧貴者不與之抗也上前則畧微者殺禮也

籠門謝

唐制丞郎拜官即籠門謝今三司副使已上拜官則拜舞于子門下上百官拜於門下而不舞蹈此亦籠門故事也

並湘山野錄

都堂及寺館百官會集坐次

都堂及寺館百官會集坐次多出臨時唐以前故事皆不可考惟顏真卿與左僕射定襄郡王國鄭英又書云宰相御史大夫兩省五品供奉官自為一行十

二衛大將軍次之三師三公僕少師保傅尚書左

右丞侍郎自為一行九卿三監對之從古以來未嘗

參錯此亦畧見當時故事今錄于此以備闕文

湘山野錄

請修時政記

梁修撰周幹一歲後苑燕從臣各探韻賦詩得春字曰百花將盡牡丹折十雨初晴太液春上特稱之為史館脩撰上疏自今崇德長春二殿皇帝之言侍臣論列之事令中書修為時政記其樞密院使陟機密亦令本院編纂至月終送史館自餘百司凡于對拜除授沿革之事悉條報本院仍令舍人分直

皆從之見玉壺清話

宰相許終午歸第

太祖受禪以趙韓王普有佐命臣勲除右諫議大夫樞密直學士未幾范質罷相以公為門下侍郎平章事既冠台符叅摠朝權叅政呂餘慶薛居正雖副之但奉行制書備位而已不宣制不預奏事不押班每侯對長春殿啓沃小大之務盡於公兼權之議誼於時論會李繼廷優遣用公記封趙保忠守夏臺故池令滅之保忠及與繼廷合謀大為邊患河西極撓卧歸於公因不得專政詔令叅政史長印押班奏事分

其權也舊制宰相報到未刻方出中會歲大熟特許云終午歸第遂為永制見玉壺清話

丁晉公自節度使以制除叅政

丁晉公自保信軍節度使知江寧府台為叅知政事中書以丁節度使台學士草麻時盛文肅為學士以為叅知政事合用舍人草制遂以制除丁甚恨之出

納節不降麻

唐制節度使制僕射尚書侍郎謂之納節皆不降麻止舍人院出制天禧中丁晉公自保信軍節度使除

吏部尚書參知政事先公在西閣當制至和中韓衛公自武康軍節度使除工部尚書三司使降麻非故事也

請立家廟者子孫襲三品階勳及爵

皇祐中宗袞請置家廟下兩制禮官儀以為廟室若當靈長身歿而子孫官微即廟隨毀請以其子孫襲三品階勳及爵庶常得奉祀不報

文武官朝參

唐在京文武職事九品以上朔望日朝其文官五品以上官及監察御史員外郎太常博士每日參武官

五品以上仍每月五日十一日二十一日二十五日參三品以上九日十九日二十九日又參其長上折衝果毅若文武散官五品以上直諸司及長上者各準戢事參其梁文館及國子監博士每季參若雨露沾服失容及泥潦並以上唐儀制凡今在京百司有常參官謂五品以上戢事八品以上供奉官以上唐大興正元年勅文官充翰林學士皇太子諸王侍讀武官充禁軍戢事並不常朝參其在三館等諸戢掌者並朝參訖各歸所務是年御史中丞竇參奏常參文官准令每日參自艱難以來遂許分日得待

戎事稍平即依常式其武官准令五品以上每月六
叅三品以上每月六叅二品以上更加三叅頃並停
廢今請准令却復舊儀十三年御史奉奏諸司常叅
文官隔三日並以橫行叅假其武班每日光配九叅
六叅九叅謂一月九次今後每經三節假滿縱不是
配入日並令文官例橫行叅假以上唐要用後唐同光二
年四方館叅令後除隨駕將校及外方進奉專使文
武兩班三品以上官可於內殿對見其餘並詣正衙
從之天成元年御札文武百僚每日正衙常朝外五
日一赴內殿起居每月朔望日賜廊下食唐室水平

時常叅官每日朝食謂之殮自軋符離亂罷之唯
月旦入閣日賜食 明宗即位請文武百僚五日一
起居見常於便殿李琪以為非故事以五日為際請
每月朔望日入閣賜廊下食罷五日起居之儀至是
宣旨朔望閣外五日一起居遂以為常天成元年勅
今後若遇不坐正殿未遇內殿前便令閣門使傳宣
不坐朝班退是年御史臺奏凡新除官及差使者合
於正衙謝辞若遇內殿起居日百官不於正衙叙班
其差使及新除官辭謝不得合叅謝每內殿起居日
百僚先叙於文明殿庭後謝官退則班入內殿從之

普天福二年中書門下奏在庭諸司使等每除正官諸令赴正衙謝後不赴常朝其京官未升朝官祇赴朔望日朝暮從之國朝諸在京升朝官每日朝其制免常朝者五日一參起居國朝令文案唐制文武職事官並赴常參武班五日一參又有三日一參五日參為朔望為六參三日參乃九參所謂常參官未有無賦者由後唐同光中乃分常朝內殿凡隨駕官將校及外方進奉使文武三品以上官即於內殿對見其餘並詣正衙至天成初詔文武百官每日常朝外五日一赴內殿起居其趨朝官遇宣不坐放朝各退

歸司本朝之制文德殿曰外朝以不釐務朝臣日赴是謂常朝垂拱殿曰內殿宰臣樞密以下要近職事者并武班日赴是謂常起居每日文武朝臣釐務不釐務並赴內臣朝謂之百官大起居是則奉朝之制自為三等蓋天子坐朝莫先於正衙殿於禮群臣無一日不朝有故正衙雖不坐常參官猶立班後放朝乃退唐有職事謂之常參今格外朝不釐務者謂之常參

參假橫行之禮

舊制凡連假三日而著於令者宰相至升朝官盡赴文德殿參假為之橫行次日百官乃赴內殿起居近

年連假後多便起居而廢橫行之禮

執宰押知印

開寶六年六月敕叅知政事薛居正李餘慶於都堂與宰臣趙普同議公事是月又勅中書門下押班知印及祠祭行香今後宜令宰臣趙普與叅政知事薛居正李餘慶輪知七月既而復有鑿革

又

雍熙四年文德殿前始置叅政摶位在宰相之後至道中寇萊公為叅知政事復與宰相輪日知印正衙押班摶位遂與中書門下一班書勅齊列衙街衢并

馬宰相使相上事并有公事并升都堂又萊公罷遂詔只令宰臣押班知印叅政止得輪祠祭行香正衙摶位次宰臣之下立凡有公事並與宰臣同升都堂如宰臣使相上事即不得升景德四年六月勅臣僚自外到關及在京主執如有公事並逐日於巳時以前中書樞密院聚廳相見其後復分廳見客慶曆八年禁止之如景德之制

賜笏頭帶

太宗制笏頭帶以賜輔臣其罷免尚亦服之至祥符中趙文公罷叅知政事為兵部侍郎後數載除景靈

官副使 真宗遷賜御仙花帶與綉鞵 服御仙帶
自後二府罷者學士與散官通服此帶遂以為故事
予觀見蔡文忠罷叅知政事為戶部侍郎服此帶蓋
曾為學士用詔文金帶曾經賜者許繫之元公為翰
林及侍讀
今士三情遂落敢為中書舍人初舊
服例皆如此景祐三年八月方著話其宰相罷免雖
散官并依舊服笏帶學文定公天聖中自祕書監來
朝除刑部侍郎并服笏 帝近有罷叅政者黑帶佩
魚而入非故事也入兩府自黑帶賜笏帶者 太宗
朝 甚多祥符中張文節自待制為中丞而叅知政
事天聖中姜侍郎自三司副使為諫議大夫而樞密

並賜如上已上皆春
明廷朝錄



x

